

安徽历代方志丛书

# 宁国府志

（清洪亮吉

凌廷堪总纂

（下册）

宣城市地方志办公室

黄山书社

安徽历代方志丛书

# 宁国府志

(清) 洪亮吉 凌廷堪总纂 (下册)

宣城市地方志办公室

黄山书社

**图书在版编目 (CIP) 数据**

宁国府志 / (清) 洪亮吉等纂修. —合肥: 黄山书社,  
2007.1

ISBN 978-7-80707-520-2

I. 宁... II. 洪... III. 宣城市-地方志-清代  
IV. K295.43

中国版本图书馆 CIP 数据核字 (2007) 第 153470 号

**黄山书社出版发行**

(合肥市金寨路 381 号)

**新华书店**经销 安徽省地质印刷厂印刷

开本: 889×1194 1/32 印张: 82.75 插页: 2 字数: 2100 千

2007 年 1 月第 1 版 2007 年 1 月第 1 次印刷

定价: 360 元



《宁国府志》书影

倉廩

寧國府

軍儲倉在太和門內府治東街北江南有屬寧有後堂前樓

及東西各為池澗水外有重門明洪武間知府陳瀛建正統

辛酉知府袁旭拓之為廩三十六嘉靖間知府區越居應坤

繼拓之今僅存倉房三間西平屋三間後平屋三間餘俱圮

按舊志所云僅存者今亦並圮大使一人奉設攢典一人倉夫六名省凡主

六縣歲輸運軍行月糧米及孤貧口糧本府贖穀謹受而貯

之初斗穀皆投宜民貽累嘉靖中宜民梅姓陳請派南溪等

五縣各役一人今僅編法行倉夫之困永歲乾隆三十

年奉文改歸首縣經督府按舊志有和豐倉常平倉今並廢

宜城縣

預備倉在縣治西北明知縣姜奇方脩建江南

國朝康熙中遂增建雍正壬子脩乾隆十七年知縣貫中宇重建

新建倉廩一在縣吏舍乾隆二年知縣吳壽九建一在

景德寺後乾隆五年知縣張大宗建乾隆

水兌倉在水陽鎮河西明宣德七年選撫侍郎周忱奏行知

府袁旭建議以冬十月宜城民納米貯倉漕舟就兌冬兌冬

開萬歷知縣姜奇方重建邑人參政梅守德記

國朝康熙己酉知縣李文敏重脩邑人參議施問章記乾隆

寧國府志

《宁国府志》书影

# 卷十四 营建志

## 城池

### 宁国府

府城西北据山依阜，东南包原跨湿地，西北半堑深沟，半淤积水，东北宛句二水濳洄合流，不经疏凿。《康熙志》

城高二丈五尺，厚三丈，周延九里一十三步，门五，并重关阨阨，楼堞皆具。《乾隆志》

旧堞一万三千有奇，今共八千九百七十堞，原铺一十三所，今计增设一百二十九所。《江南通志》

东曰阳德，东偏曰泰和，南曰熏化，西曰宝成，北曰拱极。  
府县旧志

〔周〕

列侯国各有城，至〔嬴秦〕名城堕矣，〔汉〕高帝六年，令天下郡邑城。时江以南犹为楚之封国。〔吴〕赤乌二年，敕诸郡各治其城郭，江南郡城始此。〔晋〕咸和初，内史桓彝遂城宛陵。今世传子城彝所筑。《嘉靖志》

〔梁〕太守何远而下，稍增筑之。《康熙志》《乾隆志》同

〔隋〕开皇中，刺史王选以宛陵西北形势，别筑罗城，广轮至三十里，宛溪贯其中，唐因之。《嘉靖志》

按：《嘉靖志》原注云，旧城址见存，东至滩子门抵下寨，西止城子门，南起南堤，截出上南门，北骆驼山山洪为界，城中裹宛溪，溪之南北列二桥，各有水门，唐杜牧诗云：“敬亭山下百顷竹，中有诗人小谢城。”又《题开元寺水阁》自注阁下乃宛溪也。以此证之，城接此山，兼裹宛溪，故其袤至三十里，今考本朝旧志皆不载，补之以存旧规。

唐乾符以后，窦滔为秦彦所逐，其后赵锽、杨行密、田颀、台濠干戈相寻，辄寇城下，继以杨渥、王茂章、李遇、王檀率以兵攻，城堑尽废，柴克宏以一巡检使踵其后，悉缮治之。节录《嘉靖志》

宋乾德中，江南未下。南唐节度使林仁肇筑新城，韩熙载有记。《康熙志》

按：《嘉靖志》引《嘉定宣城志》云：今罗城创于国朝建隆四年，伪唐刺史林仁肇以李煜命役军夫二千为之。煜外稟正朔，实欲负险自固，韩熙载误宣州新城碑微旨可见。仁肇，江南将，善用兵，通卜筮阴阳书，今城制盖出其所画，襟山带溪，得势之便，肖龟为形，南首北尾，为城门楼者八，始鸠工于壬戌，而讫于癸亥，至煜归朝于乙亥一星终矣。夫岂偶然，有如郑人浚渠，卒为秦人利也。仁肇碑阴自述罗城之制，略云：金光门西北转至旧城崇德门，东北角长五里三百三步，崇德门南转至金光门东，长四里三百三十步，共长一十里一百九十三步，盖合新旧城总而计之；新开濠堑自金光门转透大溪，长八百九十四丈，阔二十丈，深三丈；其楼东曰安定，西曰太平，南曰定寇，北曰宁化，中曰敌胜万人，又东北曰胜敌，西南曰定寇，东南曰齐云，西北曰集英；所役军夫以日计者四百有奇，以工计者百七十三万七千七百有奇。今碑存焉。而八楼后稍革，名亦遂改。俗言城九里十三步，盖举其粗略尔，其长阔当以碑为证。康熙、乾隆志皆不载，今以碑佚备录之。韩熙载碑文见《艺文》。

宋建炎三年，吕侯好问得请给上供钱五万缗付宣州守臣修城，阅数月以工毕，闻周紫芝有《新城赋》。《嘉靖志》

绍兴改元，李侯虔励原本误作彦卿，今依《职官表》改正值兵后益严城备，始以砖甃周围瓮垒，分管下县界画其地，各廩丁夫以邑僚一人掌之。越岁余讫役而侯去官。《嘉靖志》

三十一年，虜骑犯淮，沿江郡各防秋，任侯古急募丁夫补城

之创缺，缮军资器械甚饬，淮民迁徙来归，皆赖以安。《嘉靖志》

庆元以来，城圯甚，太守到任，陈便民事，皆以此为言。五年春，沈侯继祖奏乞修城钱粮，有旨，府先补度牒钱三万九千缗，已诏分三限补解，内合解钱粮给借为钱一万三千缗以工夥未举役。秋九月，宋侯之瑞因命僱工，明年工毕，雉堞一新。《嘉靖志》

开禧二年，李侯澄更造诸城门楼櫓，自为记。

开禧三年，杜侯范议修城墙雉堞之圯者。明年，颜侯颐仲节郡浮费葺诸城楼，民不知役。《嘉靖志》。元至正中，廉访使道童重加髹髹，更定今五门名额。《康熙志》。明洪武中知府鞠腾霄，永乐中知府宋献，正统中知府叶锡相继飭治。《乾隆志》

国朝顺治七年，知府管起凤、知县王同春修筑，王自为记。九年，知府秦宗尧移址，向内加筑。康熙七年，鳌峰嘴城根倾，知府孔贞来垒以石。康熙十九年，知府王国柱、知县邓性于鳌峰城上置月台。乾隆九年水患，十年，知县游得宜奉文以工代赈，周城缺堞五门楼櫓警铺四十八所，领帑修理。《乾隆志》

大东门，即阳德门，旧曰铁牛门，铁牛在木禾殿，小东门即泰和门，明嘉靖三十四年，知府朱大器增设，构宝丰台于上，今自为记。雍正三年，知府黄叔琪重修。《乾隆志》

夹城，在宣城县学前，明知县詹事讲用修撰沈懋学议，规之以面学宫。《乾隆府志》

南门一带为龙脉所从入。明季知县陈泰来以兵警浚濠过深，议者谓为不利。康熙间，通邑绅士填补。《乾隆志》

悠然亭，在鳌峰月台上，嘉庆元年，知府刘宝篋修。《采访册》

城根水斗门，一在云深桥，一在茶峡荡，一在泰和门左，一在羊市巷铁牛庙左，一在朱衣巷，一在岳庙后，一在西门右，凡七所皆泄水之处；其一在南门吴家村右，为进水之处，久废，邑

绅捐浚得之。《采访册》

## 宣城县

城池附郭见前

## 南陵县

县城高二丈五尺，厚三丈，周广九百三十六丈二尺。门四：东曰宝应，西曰瑞应，南曰福应，北曰灵应。水关三：东南曰禹雷；西南曰谐乐，其水合流环绕学前；东北曰后乐。县旧无城，明正德中，知县胡文静置四门：东迎恩，西黄堂，南丽正，北拱辰。嘉靖四十二年，知府罗汝芳、知县浩永春始建城垣。万历九年，知县沈尧中请增高三尺，城壕四条，租银存留修城，又因西北二门相距差远，酌于其中筑台防守。扁曰灵雉，以黑雉常止其地也。崇祯中，知县甘文奎修，改名倚剑台。

国朝康熙五十三年，知县宋廷佐重修府县旧志。乾隆二十九年正月，知县陈应联详请重拆重修。高一丈九尺，厚如旧，周广一千三百四十二丈四尺。垛口二千九百零五。城楼八座，门八，是年十一月工竣。《采访册》

## 泾县

城高一丈九尺，厚八尺，周九百三十二丈，计五里。内外甃以石。门四：东迎晖，西文明，南保泰，北拱辰，又小东门一，南北水关各一。

元至元十三年，县尹施正大迁今县治，尚未有城。明正德中，知县郑气建三门，东延和，西通津，北宾阳。嘉靖四十二年，知府罗汝芳、知县陈廷芝始筑城，三面环濠，西临大河，石堤护角。万历二十四年，知县陈大绶自西门至北水关重筑石堤十

余丈。改文明曰水西。崇祯七年，知县尹民兴复修四城，改拱辰曰拱极。府县旧志

国朝乾隆二十九年，知县李元标奉文请帑大修城垣。邑人亦乐助焉。嘉庆五年，河水冲损西南二城数十丈，护堤四十八丈有余。知县杨荣先详请士民捐修，会杨卒，工未竣。《采访册》

## 宁国县

城高一丈五尺，厚称是。周五百一十九丈。门三，俱重关。城本孙吴筑以防山贼。宋南渡时增筑，。元至正中，白总管辟北门。明洪武南征塞之。正德中，知县王时正重建四门：东振武，西接文，南秀水，北明山。嘉靖中，知县范镐更复三门名，皆从民取义，东春秀，西秋实，南南亩。加筑北楼为政暇览胜之地。环城警铺七所，濠四。西南今堙

国朝康熙十三年，知县马光重修，定三门名额：东启明，西中镇，南景阳，又东关外一门曰敛福，西关外二门，一曰朝京北向，一曰长春南向。雍正七年，知县刘鉴修。府旧志

## 旌德县

县城高二丈，厚一丈二尺，周八百九十一丈。门七，皆有楼，东门三，上曰通和旧名迎和，中曰中和，下曰义济，大西门曰永丰，小西门曰大有，南曰阜民，北曰迎恩。水关一，在上东门南，警铺十二所。

县旧无城，元贞元中，县令王祯营四门。明嘉靖中，知府沈志言、知县赵在奉督府檄造城，西、南、北负山，东濒淳溪为池。

国朝顺治十三年，迎和、义济两门圯，十四年，知县王融修。康熙八年知县李士竑，雍正八年知县纪咸相继重修。府旧志

## 太平县

县城高一丈六尺，厚如之，广九百丈有奇，石址十之七增甃十之三。门五：东朝宗，南文明，西弦歌，东北拱极，西北和兑。水关二所有栅。

县旧无城，明弘治、正德间，知县王雄、朱守为相继立五门，南宁国，西弦歌，上东门，下东门，北拱极。嘉靖四十三年，知府罗汝芳、知县顾镒始筑今城，西北依山，以富溪为池，溪源出雾山，东流至县治，合三思桥下水，过南门，经东溪，循城而去。万历中，知县张廷榜增筑。《旧志》

国朝乾隆二十九年，奉文修整。县册

## 坛庙 各祠附

### 宁国府

社稷坛，在府治西郊一里许，北向，社右稷左，并用木主题曰“府社府稷之神”。岁以春秋二仲上戊日陈主而祭，凡祭各一，羊一、豕一、爵三、登一、铡二、簠二、簋二、笾四、豆四，无乐。旧志

风云雷雨山川坛，在府治南郊半里许，南向，中风云雷雨，左山川，右城隍，以春秋二仲上丁之第三日陈主而祭，祭用七，牲视社稷加二之一，爵三、铡二、登一、簠二、簋二、笾四、豆四，无乐。旧志

按：风云雷雨山川坛，今《会典》作神祇，坛中设云雨风雷之位，左设本境山川之位，右设本境城隍之位，近岁春秋致祭由钦天监谏吉颁行，非定以上丁后三日也。又孟夏諏日行常雩礼，天或不雨，守土官率属修省虔祷神祇为民请命，既应而报，陈设礼仪与常祭同若，祈晴祈雪亦如之。

先农坛，在府治东郊，国朝雍正四年，敕建正厅三间，东西配房四间。木牌坊一座，今俱圮。祭器木簠二、木簋二、木笾四、木豆四、木帛匣一、木青箱一，耜田四亩九分，农具牛一、犁一、耙一、柜一，农官一名、农夫二名。《乾隆志》

按：祭先农口，岁用仲春吉亥，行礼用朝服，耕耜用采服，府县秉耒，首领杂职奉青箱播种。详见《大清会典》见在遵行。

郡历坛，在府治北郊半里许，垣门庖馐略备，岁用清明、七月望、十月朔。先期府以告于城隍，厥明导城隍于坛榜，无祀鬼神列坛下，祭之用羊二，豕三，果蔬各四，羹饭各数十，酒亦如之。旧志

关帝庙，在城有四：一鳌峰玄庙观左，府主之；一北门内朱

衣巷开元寺后，县主之；一北门月城内，置有祀田四十六亩，岁用霜降日，宣州卫主之；一南门月城内，宁国营主之。国朝雍正三年，敕封三代公爵，春秋同日致祭。乾隆十三年，知府宋敦倡修鳌峰大殿，移奉三代神牌于后殿，前建门楼，左建官厅三楹。十八年，宣城知县贵中孚倡修完备。每岁春秋仲月致祭，由钦天监 谶吉颁行，祭品用帛一、白磁爵三、牛一、羊一、豕一、果品五、酒尊一。行三跪九叩礼，后殿祭品减牛，行二跪六叩礼。每岁五月十三日致祭，礼仪同。《乾隆志》。乾隆六十年，重修鳌峰关帝庙，知县徐日簪记。《采访册》

城隍庙，在府治西南，祀府城隍之神。岁以春秋二仲同祭于山川坛，每历祭则主之。国朝雍正二年，知府黄叔琪修，有记。旧志。乾隆三十一年修葺，贺元崑记。五十四年，重修灵应宫。六十年又修，均有乐输姓氏碑。《采访册》

八蜡庙，在府治北关外，放生池旁。国朝雍正十三年，敕建一先啬、二司啬、三农、四邮表畷、五猫虎，六坊、七水庸、八昆虫。乾隆十二年停祀。《乾隆志》

刘猛将军庙，在北关外放生池前。国朝雍正四年敕建。每年长至后第三戌日，并正月十三日诞辰，至期，主祭官就位，行一跪三叩礼，诣神位前跪，众官皆跪。读祝毕，再行一跪三叩礼。《乾隆志》。按：《乾隆志》云，社稷、风云雷雨山川、先农、八蜡、城隍、历坛、关帝、刘猛将军，此八祀俱遵定典。其祭期品式，六邑所同。详载于府，各县不更注。今考《江南通志》，首列社稷、风云雷雨山川、先农、郡历四坛，次列关帝、城隍、八蜡、刘猛将军四庙。兹仿其例，以为次序，后五县同。

东岳庙，在县治后西北，祀泰山神。旧志。久圯。乾隆间，里人重建。

三皇庙，在宣城学西，今废。《康熙志》 《江南通志》同

杨四将军庙，在北门外尹公桥。明天启四年建，祀江河之

神。国朝康熙十年冬，知县李文敏兑运水阳，适水涸漕阻，忧之祷于神，果大雨雪六昼夜，漕艘毕集，兑运获济。文敏感神助，为捐俸重建。旧止四楹，今拓为八，更于庙前置台，壮丽改观，自为记。旧志

项王庙，在府治峰山下，相传项羽尝驻军于此。

三圣庙，在府治天庆观之左。宋建炎中，叛寇戚方围城急，知州事李光于城南见三神人，爪指长逾尺，焚香祝之。贼炮，反击，遂遁去。光为立祠，吕广问记。三圣长曰贺息，次曰游奕，三曰金甲。旧志

敏应庙，在府治敬亭山麓。祀广惠王之神，岁用八月朔日。庙始于宋元嘉中，有魏长史者，自江右载豆来宣城，忽有梓木并舟而行，夜梦神告曰：我钱塘梓府君也，欲托祠于昭亭山。既而舟至其处，魏度山麓宜为神居，然无以得材，复梦神曰：宣城方病目，舟中豆可疗也。试之辄验。得钱既多，祠遂成。宋政和赐额“敏应观”。明初知府黄荣祖复建，洪武中，知府胡乾祐重建，后圯。宣德中，徐善渊延江西龙虎山法士颜福渊捐资募众，大加修拓。正统中，知府袁旭请礼部尚书胡濙记。崇祯初，知县陈泰来改庙门东向，建石坊，规制益雄丽。国朝康熙十一年，知县李文敏修。旧志

鲁府君庙，在府城东南钱村。祀梅之岩。隋末大乱，之岩有保障功，故庙祀。《万历志》曰鲁王庙。按：史无鲁王封敕，故《嘉靖志》曰鲁府君庙，今从之。《康熙志》

英济庙，在薰化门内，相传为昭明太子行祠，能弭火灾，今额曰“火王庙”。国朝初，道官叶昭连重修。旧志

东平庙，凡四，一在县治东北大街，今曰高庙；一在县治西北东岳庙左；一在薰化门外庙冈上，今曰南门殿，有祀田十二亩；一在阳德门外东直街，并祀唐忠臣张巡。岁以七月诞辰，邑人赛祭数日。旧志

褒烈庙，在府治西门内，祀宋资政殿学士知宣州事李庄简光。岁用六月朔日，相传为公诞辰。宋乾道中，公以御寇功，诏庙祀，赐额。初在北门外，元末毁。明洪武二年徙建此。旧志

张公庙，在府治西南城隍庙左，祀宋知州张果。国朝乾隆三年，宣州卫守备李亩倡建。后殿奉文信公神主，置有祀产。旧志。乾隆五十九年重修，知县徐日簪记。《采访册》

张公标纸庙，在府城北五里，宋绍兴二十三年，知州事张果梦神语，城将陷没，果抱籍入水死。民求得其尸，殓而奠之，因名焉。后有僧冒据，改为法露庵，祀遂废。国朝康熙九年，知县李文敏询知颠末，曰：张公功德在民，不可没也。乃捐奉建楼于佛庐之上，祀张公像，另僧守之，自为记。旧志

乡社庙，在各里，二百十所。《嘉靖志》按：乡社庙今多圯，惟鹿巷、三义阁、豆粉巷、魁星巷四庙现在。

陵阳庙，在府治后陵阳山麓。宋绍兴中，山神示梦张守，城得不没，郡人德之，于九曲巷内特立一庙。国朝乾隆六年，同知祝宣又于旧庙左，重建大殿门楼。《乾隆志》

佑圣阁，在府治西北街，祀真武，为府屏障。据形家言，恐犯火灾，昔曾画沧州图以制之。寻因火废。里人钟允谐、徐云九复画九龙图于壁。《乾隆志》

火神殿，在丧临镇。知县杜滨建。《乾隆志》

#### 附各祠

二仙祠，在府治后，祀南齐谢朓、唐李白。今废。旧志

昌黎祠，在旧州学内。今废。旧志

六先生祠，在旧州学内，祀周敦颐、程颢、程颐、张载、朱熹、张栻。今废。旧志

义烈祠，在北关外，祀宋赤心队将刘晏。建炎中，晏以赴州守李光援，与叛寇戚方战，死。士人哀之，建祠于此。旧志

文公祠，在北门外宛陵驿，祀宋丞相知府事文天祥。明万历

三年，知府陈俊、知县姜奇方建，都御史宋仪望记。国朝顺治中，知县王同春修，后圯。乾隆三年，守备李亩、知县吴飞九重建。合祀张公。设有祭田。旧县志

汪公祠，在南郭颜家桥南。祀元礼部尚书汪文节泽民。岁用春秋二仲上丁后三日。有尚书王恕记。《旧志》

七贤祠，在敬亭山，原名五贤祠。祀谢朓、李白、韩愈、晏殊、范仲淹，后增张慎言、姜埰为七贤。国朝康熙五十一年，知府佟隹伟重建，有记。乾隆三年，督学郑江、知府程侯本、知县吴飞九重修。十八年，知府宋毅、知县贵中孚，劝论贡生陈师捐资重修。《旧志》。嘉庆十年，知府鲁铨倡捐重修，巡道宋谿记。《采访册》

四贤祠，在旧府学。祀徐勣、刘琦、凌策、梅尧臣。今圯。《嘉靖志》。遗爱祠在小东门内。祀宋知宣州事张果，明知府袁旭、沈性。国朝康熙元年，推官杨应标洁己爱民，寻艰去。其后同知郑载颺吏治有声，进表终于京邸，士民思之，并附主增祀焉。雍正元年，邑痒生张凤翼、里耆高登岱募众重修。旧志

张侯祠，在水阳南二里。祀里人张构。唐广明时，构尝筑堤捍御水灾，乡人感而祀之。旧志

陈忠烈祠，在府学正东。祀明礼部尚书陈迪。岁用春秋二仲上丁后五日。嘉靖中，通判李默建，有记。旧志

俞节愍祠，在府治大东门内。祀明燕府教授俞逢辰。祭期与陈忠烈同。万历中，知府陈俊、知县姜奇方奉敕建。旧志

袁公祠，在济川桥左。专祀明知府袁旭。旭建凤凰、济川二桥。坐泾人程御史富蜚语，与督工医官苟存善同逮，系卒于狱。邑人建祠祀之，以存善附。《乾隆志》

及公祠，在府治西。祀明知府及宦。嘉靖中，建于泰和门内，侍讲赵水撰碑，后圯。知府尹宇从郡父老请重建于此。郡人参议焦烜记。旧志

张公祠，在府学左。祀明知府张德明。《乾隆志》

王公祠，在东溪桥侧。祀明知府王嘉宾。以创石桥，郡人德之，故祀于此。旧志

罗公祠，在泰和门内。祀明知府罗汝芳。公创置书院，倡明理学，教士有功，故祀之。旧在景德寺西。乾隆三年，痒生罗瀛、罗湘倡募改建今所。《乾隆志》

八贤祠，在府治前，原名四贤祠。祀明知府方逢时、郑继之、萧良誉、金励四人。崇祯中，增入王公弼、周光忧。国朝顺治中，又增管起凤、龚鲲，为八贤祠。《乾隆志》

漆公祠，在西察院左。祀明推官漆嘉祉。旧志

庐公祠，在北门罗城内。祀明知县庐维屏。旧志

陈公祠，在县治西。祀明知县陈泰来。旧志

梁公祠，在北门内大街。祀明知县梁应奇。今养贤圩堤上亦有祠。旧志

余公祠，在北门外澄江亭侧。祀明知县余颺。旧志

翟公祠，在西门大街。祀知县翟蒙孔。旧志

二烈清风祠，在府治西鹿巷口。祀元烈女胡氏、纪氏姑嫂二人。明弘治十五年，巡按刘淮令郡邑建，题额。嘉靖十七年，知府营迈修。万历四年，知府陈俊、知县姜奇方重修。刘淮、陈俊并自为记。旧志

烈女祠，在东市街迎春巷口。祀明烈女徐氏，寻废为尼舍。督学御史贾某、巡按御史田维嘉疏闻，毁尼舍复建。额曰“不泯香名”。《乾隆志》

宣城县附郭以见前

## 南陵县

社稷坛在县北二里。旧志

风云雷雨山川坛在南二百步。以上二坛俱明正统间，县丞萧